

EPISTULA LEONINA

CCXXV

HEBDOMADALE
PERIODICUM LATINĒ SCRIPTUM,
QUOD ĒDITUR
E DOMO EDITORIĀ INTERRETIALI
CUI NOMEN EST
LEO LATINUS



<http://www.leolatinus.de/>

N.B.! EPISTULAS LEONINAS ACCIPIS G R A T I S ET S I N E ULLĀ OBLIGATIONE. NAM LEO LATINUS PUTAT HOMINIBUS LATINAM LINGUAM DISCENTIBUS AUT DOCENTIBUS CORDI ESSE VERBA LATINA. SI TAMEN TALES EPISTULAS ACCIPERE NON VIS, RESCRIBE HOC NOBIS: TUM STATIM NOMEN TUUM EX INDICE ACCEPTORUM TOLLEMUS.

HŌC TEMPORE DUO FERĒ MILIA HOMINUM LATINĒ DOCTORUM ACCIPIUNT EPISTULAS LEONINAS ELECTRONICĒ MISSAS. EPISTULAS LEONINAS **I-CCXXIV** INVENIES IN INTERRETI SUB HAC INSCRIPTIONE, QUAE SEQUITUR:

<http://ephemeris.alcuinus.net/leonina/>

MAXIMĒ ID CURAMUS, UT COPIAM VERBORUM LATINORUM CONVENIENTER AUGEAMUS ET TEXTŪS MODERNOS CUIUSVIS ARGUMENTI QUAM OPTIMĒ IN LATINUM SERMONEM CONVERTAMUS.

ROGATUR, UT MANUSCRIPTA MITTANTUR VIĀ ELECTRONICĀ. MENDA SIVE GRAMMATICA SIVE METRICA, QUOAD FIERI POTEST, TACITĒ TOLLUNTUR.

EN HABES EPISTULAM LEONINAM
DUCENTESIMAM VICESIMAM QUINTAM (225) !

ARGUMENTA

PRAEFATIUNCULA	02-03
SIT TIBI TERRA LEVIS	04
DUO CHRONOGRAMMATA PATRIS HERBERTI DOUTEIL BRASILIENSIS	05-06
CHRONOGRAMMA IOHANNIS DEMMING BEETHOVENIANUM	07
DUAE ORATIONES DONALDI TRUMP PACIFICAE	08-14
MYTHI GRAECORUM: Theseus rex – Bellum Amazonum	15-18
ECHUS VOCES EPISTULAE (Kovács/LL)	19
NUNTIUS LUGUBRIS: Stanislaum Tekieli obiisse	20
LIBRI LEONIS LATINI	21-24

LEO LATINUS OMNIBUS HOMINIBUS LATINITATIS AMANTIBUS SAL.PL.DIC.

Cara Lectrix, Care Lector,

*valdê gaudeo, quod hac quoque die Dominicâ fieri potest, ut tibi mittam Epistulam Leoninam. Quam incohamus proverbio adagiove bene nôto, quod est “Sit tibi terra levis”. Legas eandem locutionem iam inveniri in antiquâ inscriptione Hispaniensi (p.4). Quâ usi sumus in memoriam inclutam **Stanislai Tekieli (1965-2020)** magni fautoris Latinitatis Vivae, quem mense Novembri obiisse sêro demum acceperamus et magno cum maerore (p.20). Chronogrammata artificiosê confecta solemus accipere a **Patre Herberto Douteil** (p.5-6) necnon a **Iohanne Demming** (p.7), quibus Epistulae nostrae mirum in modum ornentur. Porro ausi sumus duas oratiunculas afferre praesidis Americae omnium diffamatissimi (p.8-14). Scimus quidem hunc virum nonnullis lectoribus parum placere, sed speramus eosdem tam iustos tamque cupidos fore scientiae suae augendae, ut legendo cognoscant illum praesidem a calumniatoribus iniustê daemonizatum esse. Legant has oratiunculas, ex quibus appareat **Donaldum Trump** minimê esse bellicosum, sed magis pacificum quam plerosque praesides Americae ceteros. Praeterea perreximus Latinê reddere **enarrationes Mythorum Graecorum Schwabianas**; hac in parte seriei agitur de*

meritis Thesei herois politicis deque eius pugnâ cum Amazonibus factâ (quarum unam in matrimonium duxerat). Haec hactenus. Parata est lectio cum amore; utinam Tibi sapiat!

**Medullitus Te salutat
Dr. Nicolaus Groß
Sodalis Academiae Latinitati Fovendae**



<http://www.leolatinus.com/>

LEO LATINUS

**Senden ex oppidulo Bavariae Suebicae,
Die Dominicâ, 31. m.Ian. a.2021**



SIT TIBI TERRA LEVIS

Haec inscriptio Romana prope Emeritam Augustam (hisp. *Mérida*) urbem Hispanicam inventa, hodie conditur in Museo Nationali Artis Romana (*Museo Nacional de Arte Romano*). Textus sic legendus est (Hispania Epigraphica [25552](#)):

M(arco) Cornelio M(arci) f(ilio) Pap(iria) Pollio / M(arco) Cornelio Urbano / M(arco) Cornelio Celeri / Cornelia M(arci) I(iberta) Iucunda / sic nuncquam Fortuna sinat te nosse dolo[rem] / praeterisse potes quasm pius o iuvenis / sit datus in flammis nosse doloris rit nunc petit i[---] / quisquis ades dicas **sit tibi terra levis h(ic) [---]**

cfr EURIPIDES, *Alceus* 463,4 κούφα σοι χθών ἐπάνωθε πέσοι

DUO CHRONOGRAMMATA PATRIS HERBERTI DOUTEIL BRASILIENSIS

Zum 28. Januar, dem Fest des heiligen Thomas von Aquin:



2021* pangIte LIngVa ThoMae AqVINatIs pII DoCtorIs eCCLESiae opera
phILOSophIae et theoLOGIae. - Besingt mit der Zunge die philosophischen und
theologischen Werke des frommen Kirchenlehrers Thomas von Aquin! - Der
Beginn des Chronogramms unter Benutzung des Beginns des von Thomas
stammenden Hymnus „Pange lingua gloriosi corporis mysterium“ zum
Fronleichnamfest

Zum 25. Januar, dem **Fest der Bekehrung des heiligen Paulus**:

2021* eIa, SaVLe, SaVLe, qVID Me perseqVerIs? - qVIes es? - et ILLe: IesVs a te InseCtatVs. - SaVLVs ConVersVs et CVratVs est. – Hallo, Saulus, Saulus, warum verfolgst du mich? – Wer bist du? – Und jener: Jesus, der von dir verfolgt wird! – Saulus hat sich bekehrt und wurde geheilt. – Apg 9, 4.5.18



Breviarium Grimani, Brügge, ca. 1515

CHRONOGRAMMA IOHANNIS DEMMING BEETHOVENIANUM



Zum 17. Dezember 2020

LVDVVIG VAN BEETHOVEN NOBILIS MUSICAE
PRINCEPS TERTONICVS QVINQVAGINTA
LVSTRIS ANTE BAPTIZATVS

Ludwig van Beethoven, edler deutscher Fürst der Musik, wurde vor 250 Jahren
getauft.

hdf

DONALDI TRUMP PRAESIDIS AMERICAE ORATIO PACIFICA PRIMA



D.13. m.Ian. a.2021 Donaldus Trump allocutionem habet ad suam nationem.

Nuntius a Donaldo Trump Praeside Americae omnibus Americanis allatus

Epoch Times d.14. m.Ian. a.2021 <https://www.epochtimes.de/politik/ausland/eine-botschaft-von-us-praesident-donald-trump-an-alle-amerikaner-a3423835.html>

D.13.m.Ian. Donaldus Trump Praeses Civitatum Unitarum allocutionem habuit ad omnes concives Americanos. Qui populum rogavit, ut diebus venturis maneat pacifica et expers violentiae. Haec oratio est emissa per planiformam Youtube interretialem.

„Concives mei Americani,

hodie vespere vobis dicam, quae res anxiosae factae sint septimanâ proximâ praeteritâ. Vobis iam dixi effracturam Capitoli Civitatum Unitarum, factam esse in cor rei publicae nostrae ideoque miliones Americanorum variarum partium politicarum indignatos atque territatos esse. Itaque de hac re velim clarê dicere:

Condemno inambiguê facinora violenta, qualia vidimus septimanâ proximâ praeteritâ. Nam violentia et vandalismus oportet absolutê absint ab hac terrâ absque politico motu nostro. Cum Americam studemus denuo facere magnam, semper studemus defendere rei publicae constitutionem, viros mulieresque prosecutionis criminalis adiuvere et piê servare nationis nostrae tradita bona sanctissima.

Violentia est contraria omnibus rebus, in quas credo et omnibus, quas defendit motus noster. Nullus adiutor mei verus umquam comprobatur violentiam politicam. Nullus adiutor mei verus umquam negligit prosecutionem criminalem aut vexillum nostrum magnificentum. Nullus adiutor mei verus umquam concivi Americano affert aut minas aut molestias.

Si unam istarum rerum facitis, nequaquam fovetis motum nostrum, sed eundem offenditis offenditisque terram nostram. Istud oportet ne feramus. Anno proximo praeterito, qui effectum morbi covidiani fatali fuit perdifficilis, vidimus erumpere politicam violentiam. Vidimus nimis multos tumultûs, nimis multas pugnas, nimis multa facinora terrendi et destruendi. Oportet ista desinant fieri, nec rêfert, utrum fiant a parte dextrâ an sinistrâ, a democratis an a republicanis. Numquam causa est, cur comprobetur violentia, nullae valent excusatiunculae, nullae exceptiones. America est natio, in quâ valent lêges.

Isti, qui septimanâ proximâ participes fuerunt impetûs in Capitoilum faciendi, in ius vocabuntur. Nunc rogo omnes, qui umquam crediderunt in consilia nostra, ut deliberent, quonam modo dissidia componantur et animi placentur et efficiatur, ut in terrâ nostrâ pax foveatur. Sunt, qui annuntiant diebus venturis factum iri novas manifestationes, et hîc in urbe Vassintonio et in totâ terrâ.

Ab officio Civitatum Unitarum certior factus sum, qualia pericula immineant. Omnis Americanus ius habet sententiam suam enuntiare more urbano et pacifico. At etiam etiamque verbis efferre debeo nullo modo permitti ullam vim, ullam lêgis transgressionem, ullum vandalismum cuiusvis generis. Omnis civis debet lêges servare et sequi praecepta magistratum prosecutionis criminalis. Iussi

magistratûs foederales omnia subsidia adhibere necessaria, quibus ordinem tenerent firmum.

Vassintonii aliquot milibus militibus cohortis nationalis mandabimus, ut urbem protegant et confirmabunt transitum securum. Sine ullo casu intermedio. Ut vos omnes ego quoque consternatus sum et vehementissimê contristatus calamitate, quae septimanâ praeteritâ proximâ in Capitolio facta est. Gratias agere velim centum milibus civium Americanorum mirabiliter proborum, qui hoc momentum temporis exspectaverunt animis moderatê quietis et propitiis. Nos unâ perferemus hanc difficultatem, sicut semper tales perferimus.

Praeterea velim nonnulla verba dicere de impetu incomparabili, qui his diebus factus est in libertatem sententiae proferendae. Haec tempora sunt suspensa atque difficilia. Studia autem concives censurâ puniendi, eorum scripta interretialia delendi, eorum nomina indicibus nigris imponendi sunt falsa et periculosa. Nunc nobis necesse est, ut unus alterum audiat, ne unus alterum cogat, ut taceat. Nos omnes possumus decernere, ut melius agendo ceteris praestantes inveniamus finem fundamentumque agendi commune.

Oportet nunc intentê id curamus, ut commoda augeamus totius nationis, ut vaccina mirabilia hominibus afferamus, ut pandemiam superemus, ut oeconomiam restituamus, ut securitatem nostram nationalem protegamus, ut servemus rei publicae constitutionem. Hodie omnes Americanos adhortor, ut cupiditates, quibus momento tantum temporis sunt affecti, superent et inter se coniungant, ut sint unus tantum populus Americanus. Decernamus, ut in salutem familiarum nostrorum, nostrarum communitatum, necnon nostrae terrae procedamus cuncti. Gratias vobis ago. Deus vos benedicat. Et Deus benedicat Americam. «

**HANC ALLOCUTIONEM
QUAM D.13. M.IAN. A.2021
DONALDUS TRUMP
PRAESES CIVITATUM AMERICAE UNITARUM
AD NATIONEM HABUIT
IN LATINUM CONVERTIT
LEO LATINUS.**

<https://www.youtube.com/watch?v=fUTakeFSEaU>

DONALDI TRUMP PRAESIDIS AMERICAE ORATIO PACIFICA ALTERA "DEBEMUS SANARE, NON ODISSE"



Hoc scopocinematium (*Videoclip*) a frigittrinae (*Twitter*) censoribus deletum est documentum, quo apparet, quid Donaldus Trump praeses quondam Civitatum Unitarum, reverâ dicat et sentiat! Nonne sunt *Steinmeieri*, *Merkelidae*, *Maasii*, *Söderi* necnon diurnarii gubernationi serviliter dediti isti, qui reverâ instigent et mendacia divulgent ideoque odium serant?! Qui diurnarii regiminis Merkeliani hanc orationem Trumpianam fideliter attulerunt??? E contrario tales diurnarii „mediorum qualitatis optimae“ dicta Donaldi infamissimê falsaverunt aut improbissimê omiserunt. Scopocinema (*Video*) originale a frigittrinariis iam **mense Junio anni 2020** (!!!) deletum est. Quo denuo demonstratum est libertatem interretialem non iam esse, sed iam pridem censurâ *Googleanâ* et *Dorseyianâ* sublatam esse: "*Healing, Not Hatred*" <https://www.youtube.com/watch?v=0P40r...>

»Intellego dolorem, quem homines patiantur. Mors *Georgii Floyd* fuit gravis tragoedia. Quae numquam fieri debuit. Quâ Americani in totâ terrâ versantes completi sunt terrore et irâ et tristitiâ. Nos fovemus ius civium reclamationis pacificae et audimus eorum appellationes. Voces civium legibus fidelium oportet audiantur – idque attentissimê! Nos

adsumus familiae Georgii Floyd et omnibus manifestatoribus pacificis omnibusque civibus, qui sint legibus fideles et consentiant de communitate hominum probê et securê servandâ atque tutandâ.



At ista quae nunc videmus in viis urbium nostrarum, nullo modo spectant ad iustitiam pacemque. Memoria Georgii Floyd dehonestatur a grassatoribus, turbatoribus, direptoribus, anarchistis.



Violentia atque vandalismus inflammantur ab „Antifascistis“ aliisque gregibus sinistri-radicalibus, qui vexant homines innocentes tyrannicê eorumque tabernas destruunt. A catervis grassatorum opus hominum bonorum labore totius vitae comparatum destruitur eorumque somnia destruuntur.



Damnum infertur illis, qui habent paucissima. Nullo modo nobis licet permittere, ut parva caterva sceleratorum vandalorumque urbes nostras ad interitum vocet nostrasque communitates perdat atque corrumpat. Debemus ius defendere, quo omnis civis vivat sine violentiâ, sine timore, sine opinionibus praeiudicatis. **Debemus sanare, non odisse! Adhibere iustitiam, non efficere chaos! Haec sunt praecepta huius horae.**



Equidem coram vobis sto amicus et socius omnis Americani, qui petat iustitiam pacemque. Nemo commotior est quam nostri custodes ordinis fideles, quod caterva paucorum ius suum iurandum protegendi et ministrandi violavit. Nos adiuvamus maioritatem ingentem eorum vigilum publicorum, qui omni modo sunt rei publicae magistratûs maximê assidui atque admirabiles. Debemus nos collaborare, ut pro omnibus hominibus nostris augeamus spes atque occasiones dignê et feliciter vivendi. Omnis civis omnisque communitas ius habet securê vivendi in sede operarum et mansione suâ et in stratis viis publicis. Nos operam damus, ut societatem faciamus iustioem. At talis societas fit construendo, non abrumpendo, manibus porrigendis non pugnis faciendis, animis pacificê placandis, non odiosê distrahendis! Hoc est ius sanctum omnis Americani, quod defendere sum et ero paratissimus«.

**HANC ALLOCUTIONEM
M.IUN. A.2020
QUAM DONALDUS TRUMP
PRAESES CIVITATUM AMERICAE UNITARUM
AD NATIONEM HABUIT
IN LATINUM CONVERTIT
LEO LATINUS.**

MYTHI GRAECORUM

a Gustavo Schwab enarrati, a Leone Latino in Latinum conversi



Theseus rex

Multis lamentis factis Theseus cum patrem sepelivisset, Apollini id sacrificavit, quod ei voverat. Nam navigium, quo unâ cum iuvenibus Atticis et virginibus profectus salvus reverterat, vehiculum triginta remorum, in memoriam aeternam ab Athenis eo conditum est, quod in locum ligni putrescentis iterum iterumque supponebatur novum. Ita factum est, ut hoc navigium aetatis heroicae priscum ac sanctum etiam post Alexandri Magni obitum ostendi soleret amicis antiquitatis.

Theseus nunc rex factus mox se non solum praestitit heroem bellicum, sed etiam ingeniosum civitatis conditorem populique beatificatorem. In hac autem re ipsum Herculem, qui sibi exemplo fuit, superavit. Nam opus suscepit magnum et admirabile perficiendum. Antequam Theseus regnare coepit, plerique incolae Attici circa arcem et oppidum Athenarum tam disiecti habitaverant in singulis villis et viculis, ut difficile esset eos convocare de rebus publicis consulturos, immo iidem interdum rixarentur de possessione vicinâ. Nunc Theseus omnes cives regionis Atticae inter se consociavit, ut ex vicis dissitis fieret una civitas communis; quod opus magnum non more tyranni effecit violenter, sed singulas communitates gentesque visitans studuit id

assequi, ut illae sibi assentirent voluntariê. Cives autem pauperes et humili loco nati non diu adhortandi fuerunt, quia lucrum erant facturi, cum opulentioribus conviventes; sed potentibus divitibusque promisit potestatem regalem usque id temporis immoderatam restrictum iri necnon constitutionem penitus fore liberam. Itaque Theseus: »Ego ipse«, inquit, »dux non ero nisi bellum gerendi et lēges protegendi, ceterum concedenda sit aequalitas iurum omnibus meis concivibus.« Hoc a multis nobilibus comprobatum est; at aliis haec rei publicae mutatio minus grata erat, cum timerent Thesei auram popularem potestatemque magnam, quâ is iam valebat necnon eius audaciam bene nôtam. Itaque iidem nobiles maluerunt ei cedere, a quo cogebantur.

His consiliis conceptis Theseus omnes sustulit curias singulas et communitatum magistratûs non obnoxios et condidit curiam omnibus communem mediâ in urbe sitam et sollemnitatem instituit omnibus civibus rei publicae dedicatam, cui nomen imposuit Panathenaeorum. Nunc demum Athenae factae sunt vera urbs earumque nomen vênit in consuetudinem. Nam antea eadem nihil fuerant nisi arx regia, quae a conditore appellata erat arx Cecropis et circa quam paucae tantum domûs civium steterant. Theseus, ut hanc urbem novam etiam augeret iurum aequalitatem affirmans novos accolae advocavit ex omnibus regionibus venturos; nam heros voluit Athenis condere coloniam gentium communem. Ne multitudine hominum, qui confluerant, civitas denuo condita perturbaretur, Theseus populum primo dividit in nobiles et agricolas et fabros omnique ordini civium iura officiaque attribuit propria, ut nobiles auctoritate muneribusque officialibus, agricolae utilitate, fabri numero suo praestare viderentur. Regiam autem potestatem suam propriam deminuit, ut promiserat, eo quod fecit consilio nobilium populique concilio obnoxiam.

BELLUM AMAZONUM



Cum Theseus ad rem publicam timore deorum firmandam fundaret cultum Minervae terram tutantis necnon Neptuni, a quo eximiê protegebatur, quia diu habitus erat pro eius filio, sancta certamina in Isthmo agenda aut introducebat aut saltim renovabat, ut olim Hercules ludos Olympicos Iovi dedicaverat, Athenae afflictæ sunt bello quodam miro et extraordinario. Theseus enim iunior cum esset, expeditionem faciens litus Amazonum appulerat, et eadem mulieres bellicosæ, quæ viros non timebant, heroem formosum minimê fugerunt, immo eidem dona miserunt hospitalia. At Theseo non solum placuerunt dona, sed etiam donorum traditrix, quæ fuit Amazon pulchra. Eadem fuit nomine Hippolyte; quam heros invitavit, ut viseret navem suam; quam cum ea ascendisset, Theseus avectus est

unâ cum praedâ suâ pulchrâ. Athenas cum advenisset, illam in matrimonium duxit. Hippolyte haud illibenter nupsit heroi et rêgi magnifico. At viragines bellicosae de raptione audacissimâ indignatae eiusdemque numquam oblîtae in ultione petendâ perseverantes tandem occasione captâ, quâ civitas Atheniensium visa est vigillum expers, quodam die classe navium terram Atticam appulerunt, oppugnaverunt, urbemque circumdatam raptim invaserunt, immo mediâ in urbe castra collocaverunt ordinaria, ut incolae territi in arcem recederent. Deinde uterque grex quâdam verecundiâ affectus cessavit impetum facere; tandem Theseus de arce pugnare coepit, cum oraculo doctus sacrificavisset deo terroris. Primo viri Athenienses alienis viragibus urgentibus cedentes usque ad templum Eumenidum repulsi sunt. At deinde pugna ab alio latere est renovata; itaque ala Amazonum dextra repulsa est usque ad castra multaeque sunt interfectae. Hippolyte regina hîc in proelio fertur originis immemor unâ cum marito pugnasse contra Amazones. Quae mulier iuxta Theseum stans pilo transfixa est, ut prosterneretur. In eius memoriam postea Athenis columna est exstructa. Totum bellum finitum est foedere pacis, quo pacto Amazones Athenis relictis in patriam reverterunt.

MYTHUM THESEI

A GUSTAVO SCHWAB

THEODISCE ENARRATUM

IN LATINUM CONVERTIT

LEO LATINUS

ECHUS VOCES EPISTULAE

Am 25.01.2021 um 15:42 schrieb **József Kovács**:

OPTIME DOMINE GROSS

**MAGNA CUM ANIMI INTENTIONE ET HAUD PARVO
GAUDIO SCRIPTA DE REBUS DONALDO TRUMP GESTIS
MULTITUDINEQUE PETITIONUM PAENE AB UNIVERSIS
ERGA EUM FACTARUM IMPETUUMQUE SUSTENTORUM
LEGI.**

**DECENTIA ET MODESTIA POSTULANT, UT COPIA
NOTITIARUM AC SENTENTIARUM ATQUE
EXISTIMATIONUM ADHIBEAUR, ETIAM TUM LONGE ET
ALIA MENS SENTENTIAM DICENTIBUS ESSET.**

**DOLEO, QUOD PAUCISSIMI HOMINES SERMONEM LATINUM
CALLENTE SUNT, QUI RATIONEM HAC IN EPHEMERIDE
DEMONSTRATAM LEGERE POSSUNT.**

**EXOPTO, UT INDUSTRIAM ET OPERAM ASSIDUE
PERSEVERES.**

VALEAS QUAM OPTIME

IOSEPHUS FABER

Nicolaus Iosepho lectori humanissimo

sal.pl.dic. s.v.b.e.e.v.

Summas gratias tibi ago, care Iosephe, quod nobis affirmas relationem
Leonis Latini Trumpianam tibi placere.

Semper gaudeo de sentiis lectorum divulgandis, itaque etiam verba tua
in proxima Epistula Leonina publici iuris faciam.

Pancratice vale, care Iosephe, et perge nobis favere!

Medullitus te salutat

Nicolaus Groß

LEO LATINUS

NUNTIUS LUGUBRIS

STANISLAUM TEKIELI EDITOREM EPHEMERIDOS LATINAE VARSOVIENSEM ANIMAM EFFLAVISSE



STANISLAUS TEKIELI

*d.18. m.Sept. a.1965

+d.19.m.Nov. a.2020

**POLONUS EDITOR EPHEMERIDOS LATINAE INTERRETIALIS
MAGNUS FAUTOR LATINITATIS VIVAE OBIIT PRAEMATURE.
SIT EI TERRA LEVIS.**

d.27 m.Ian. a.2021 h.02:27

Lydia Nicolao spd

Invito animo, magno maerore, te certiolem facio de Stanislai obitu, qui mense Novembri evenit. Miror quod Albinus vel alius sodalis maestum nuntium ad te non miserit. Gratias ago pro celeri responsione. Vale optime!

Nicolaus Lydiae s.

Nuntio lugubri a te accepto contristatus sum. Nam quamquam Stanislaum numquam extra interrete convêni, commercio litterarum multarum annis praeteritis iam facto pro certo habeo eum fuisse hominem doctum atque perhumanum, Latinitatis vivae fautorem studiosissimum. Scisne aliquid de huius obitûs causis et circumstantiis? Referas, quaeso, mihi, ut scribam in memoriam sodalis optimê meriti. Haec raptim, mox fortasse plura. Medullitus te salutatur Nicolaus.

ECCE LIBRI LEONIS LATINI

Permittas, quaeso, ut nuntium adiungam minus gratum: pretia discorum, qui a Leone Latino praebentur vendendi, ex decennio (sic!) non exaucta - proh dolor – nunc valdê augenda sunt (denis euronibus). Interim enim cum pretia materialium quoque multo exaucta sint, tum praecipuê disci libellique discis subiungendi non conficiuntur neque involvuntur nisi magno cum labore.

Restat, ut afferam titulos pretiaque librorum typis impressorum, qui hōc tempore apud Leonem Latinum prostant venales:

- | | |
|---|---------|
| 1) CRABATUS (Otfried Preußler, Krabat)..... | 49,00 € |
| 2) FRAGRANTIA (Patrick Süskind, Das Parfum)..... | 42,00 € |
| 3) RECITATOR (Bernhard Schlink, Der Vorleser)..... | 45,00 € |
| 4) HOTZENPLOTZIUS (Otfried Preußler, Der Räuber Hotzenplotz)..... | 25,00 € |
| 5) ARANEA NIGRA (Jeremias Gotthelf, Die schwarze Spinne)..... | 22,00 € |

PARVUS NICOLAUS (René Goscinny, Le Petit Nicolas) non êditur in domunculâ Leonis Latini, sed in Aedibus Turicensibus, quae appellantur «Diogenes».

GLOSSARIUM FRAGRANTIAE et PERICULA BARONIS MYNCHUSANI – proh dolor! – sunt divendita. Utinam nobis contingat, ut aliquando edantur iteratis curis.

Habeas nos excusatos, quod situm interretialem (i.e. anglicê »website« nondum restauravimus novaque pretia ibidem nondum indicavimus.

Ceterum, cara Lectrix, care Lector, bene scias oportet Leonem Latinum non esse megalopolium, quo – ut ita dicam - rapidissimê eiectantur multae myriades librorum vilissimae, sed domunculam potius virtuaalem quam realem, in qua creantur κειμήλια, id est res parvae et rarae et carae. Res parvae enim sunt disci compacti aut libelli typis editi palmares; rarae sunt editiones, quae centuriam tantum complectantur exemplorum; carae sunt hae res omnes, quia cordi sunt Leoni Latino recordanti horas illas innumeras, quibus operam dedit illis creandis.

Cara Lectrix, care Lector, utinam omne opusculum a Leone Latino confectum sit Tibi KTHMA EΙΣ AEI.

INDEX DISCORUM LEONIS LATINI

NR	Num. mand a- telae	ISBN	TITULUS	AUCTOR	TRANS- LATOR	ANNUS	FORMA	AMPLI- TUDO	PRE-TIUM
1	00104	978-3-938905-00-5	FABELLA TEXTORIS VERSUTI PALAEOINDICA	Anonymus (Old Indian)	Nikolaus Gross	2004	CD-ROM pdf	7 pp.	€ 17,90
2	00104 A	978-3-938905-15-9	FABELLA TEXTORIS VERSUTI PALAEOINDICA – Libri audibiles	Anonymus (Old Indian)	Nikolaus Gross	2005	Audio	21 min.	€ 22,90
3	00204	978-3-938905-01-2	TRES FABULAE EDGARII ALLANI POE: CATTUS NIGER - RANUNCULUS - PUTEUS ET PENDULUM	Edgar Allan Poe	Nikolaus Gross	2004	CD-ROM pdf	33 pp.	€ 27,50
4	00304	978-3-938905-02-9	ANECDOTA REI PROXIMO BELLO BORUSSICO FACTAE	Heinrich von Kleist	Nikolaus Gross	2004	CD-ROM pdf	6 pp.	€ 17,90
5	00304 A	978-3-938905-16-6	ANECDOTA REI PROXIMO BELLO BORUSSICO FACTAE – Libri audibiles	Heinrich von Kleist	Nikolaus Gross	2004	Audio	6 min.	€ 20,90
6	00404	978-3-938905-03-6	MEMENTO MORI	Alexander Saxon	Nikolaus Gross	2004	CD-ROM pdf	7 pp.	€ 17,90
7	0040 A	978-3-938905-17-3	MEMENTO MORI – Libri audibiles	Alexander Saxon	Nikolaus Gross	2005	Audio	20 min.	€ 21,90
8	00504	978-3-938905-04-3	DE CRAMBAMBULO	Marie von Ebner-Eschenbach	Nikolaus Gross	2004	CD-ROM pdf	14 pp.	€ 19,50
9	00604	978-3-938905-05-0	DE DINOSAURIS	Nikolaus Gross	-----	2004	CD-ROM pdf	16 pp.	€ 19,00
10	00704	978-3-938905-06-7	SUDATORIUM VENERIS	Diogenes Anaedoeus	-----	2004	CD-ROM pdf	11 pp.	€ 19,50
11	00804	978-3-938905-07-4	PERICULUM FRANCISCI	Diogenes Anaedoeus	-----	2004	CD-ROM pdf	7 pp.	€ 17,90
12	00904	978-3-938905-08-1	NUPTIAE ABDERITANAE	Bertolt Brecht	Nikolaus Gross	2004	CD-ROM pdf	21 pp.	€ 22,00
13	01004	978-3-938905-09-8	TESTAMENTUM REYNERI BERLBYN	Henricus van den Lande de Raelt	-----	2004	CD-ROM pdf	7 pp.	€ 17,50

14	01104	978-3-938905-10-4	DE SANCTO NICOLAO DEQUE VIRO NATALICIO	Nikolaus Gross	-----	2004	CD-ROM	21 pp.	€ 22,00
15	01204	978-3-938905-11-1	FABELLAE GRIMMIANAE 1	Jacob Grimm/ Wilhelm Grimm	Nikolaus Gross	2004	CD-ROM pdf	28 pp.	€ 24,90
16	00105	978-3-938905-12-8	ROMULUS MAGNUS	Friedrich Dürrenmatt	Nikolaus Gross	2005	CD-ROM pdf	49 pp.	€ 31,90
17	00205	978-3-938905-13-5	DE THILO CUSTODE FERRIVIAE	Gerhart Hauptmann	Nikolaus Gross	2005	CD-ROM pdf	28 pp.	€ 24,90
18	00305	978-3-938905-14-2	HISTORIA AGATHONIS (LIB.1)	Christoph Martin Wieland	Nikolaus Gross	2005	CD-ROM pdf	15 pp.	€ 19,50
19	00405	978-3-938905-19-7	WERTHER IUVENIS QUAE PASSUS SIT	Johann Wolfgang von Goethe	Nikolaus Gross	2005	CD-ROM pdf	82 pp.	€ 38,90
20	0050	978-3-938905-22-7	CICERONIS ORATIONES IN CATILINAM HABITAE 1 – Libri audibiles	M.T. Cicero	-----	2005	Audio	40 min.	€ 21,90
21	0060	978-3-938905-18-0	SOMNIUM SCIPIONIS A CICERONE SCRIPTUM – Libri audibiles	M.T. Cicero	-----	2005	Audio	30 min.	€ 20,90
22	0070	978-3-938905-23-4	CAESARIS BELLUM GALLICUM 1 – Libri audibiles	C.I. Caesar	-----	2005	Audio	55 min.	€ 22,90
23	00106	978-3-938905-21-0	AUTOBIOGRAPHIAE LATINAE	Nikolaus Gross	-----	2006	CD-ROM pdf	87 pp.	€ 48,00
24	00206	978-3-938905-20-3	DISQUISITIO CHEMICA ACIDULARUM BERGENSIUM ET GOEPPINGENSIIUM	Karl Friedrich Kilmeyer	Nikolaus Gross	2006	CD-ROM pdf	66 pp.	€ 38,00
25	00306 A	978-3-938905-24-1	CAESARIS BELLUM GALLICUM 2 – Libri audibiles	C.I. Caesar	-----	2006	Audio	61 min.	€ 22,90
26	0040	978-3-938905-25-8	CICERONIS ORATIONES IN CATILINAM HABITAE 2 – Libri audibiles	M.T. Cicero	-----	2006	Audio	41 min.	€ 21,90
27	00506 A	978-3-938905-26-5	EPISTULAE A SENECA AD LUCILIUM SCRIPTAE 1 – Libri audibiles	L.A. Seneca	-----	2006	Audio (2 CDs)	88 min.	€ 27,90

28	00107 A	978-3- 938905-27- 2	ASINUS AUREUS AB APULEIO SCRIPTUS	Apuleius	----- --	2007	Audio	55 min.	€ 23,90
29	00207 A	978-3- 938905-28- 9	OBSIDIO SAGUNTI A T.LIVIO DESCRIPTA	Livius	-----	2007	Audio	53 min.	€ 23,90
30	00307	978-3- 938905-29- 6	FABELLAE GRIMMIANAE II	Jacob Grimm/ Wihelm Grimm	Nikolaus Gross	2007	CD- ROM pdf	58 pp.	€ 32,90



**CARA LECTRIX, CARE LECTOR, BENE VALE,
USQUE AD SEPTIMANAM PROXIMAM !**

**HANC EPISTULAM LEONINAM
DUCENTESIMAM VICESIMAM QUINTAM
SENDEN IN OPPIDULO BAVARIAE SUEBICAE PERFECIT**



DEBEMUS SANARE NON ODISSE

Die Dominicâ, 31. m.Ian. a.2021

Dr. Nicolaus Groß

Sodalis Academiae Latinitati Fovendae (ALF)